

Situacion debil a presenta Dialuna den planta di WEB Aruba N.V.

Compania ta roga pueblo pa baha consumo di coriente



ORANJESTAD (AAN): Desde Dialuna marduga W.E.B. Aruba N.V. a confronta cu un situacion fastioso caminda cu tres Boiler ta for di servicio. Esaki ta haci cu e produccion di Coriente ta riba un base sumamente zwak.

Den e situacion actual por surgi cu no tin suficiente capacidad pa cumpli completamente cu e demanda di Aruba pa electricidad. Consecuentemente, W.E.B. Aruba N.V. lo por corta e suministro temporalmente pa algun parti di e Isla.

Pa evita esaki, Dialuna mes W.E.B. Aruba N.V. a pidi cooperacion di Comunidad pa henter dia trata na baha e consumo di electricidad door di evita di usa coriente si e no ta necesario. Cu esaki tur lo yuda pa evita cu parti di e Isla lo mester keda temporalmente sin coriente.

"Nos tecniconan ta trahando riba e solucion pa e falta di capacidad y ta calcula cu pa Diamars marduga ya caba nos lo tin un Boiler di e tresnan back den funcion," vocero di WEB Aruba NV a declara. "Esaki lo alivia e

situacion problematico actual."

Cu e cooperacion di un y tur sigur lo por evita incombinencia pa un parti di nos poblacion. W.E.B. Aruba N.V. ta pidi comprension pa e situacion temporario aki y ta conta riba e cooperacion di comunidad pa sobrepasa e falta di capacidad aki te cu awe nochi.

Na final, vocero a indica cu W.E.B. Aruba N.V. ta hopi satisfecho di e cooperacion cu ta recibi di refineria Valero den e situacion actual.

Promocionnan barbaro na caminda na Arubahuis

ORANJESTAD (AAN) Informacionnan haya ta indica cu na Hulanda un lista di esnan liga na partido y ministronan a worde traha pa manda Aruba pa den pura regla of mihor bisa fix promocion y salarionan barbaro.

Mientras sindicatonan manera esun di polis y ambtenaarnan ta bringando duro pa exige cu tur nan derecho pa gobierno duna nan indexering y gobierno ta pretende cu no tin placa, na e mesun momento di otro banda nan ta ocupa pa fix pa prome cu gobierno bay cas nan mesun hendenan keda bon para.

Loke den oposicion tabata critica di cada dia riba e gobierno di AVP / OLA pa loke tabata promocionnan di hendenan den gobierno, a bin resulta den pan di cada dia di esnan cu ultimo tres aña ta den gobernacion.

E momento a yega cu sindicatonan cu ta exige

derecho pa nan miembronan na Aruba, exige di ministro di Finanzas pa e duna cuenta di cuanto placa ta worde gasta cu Arubahuis y cuanto hende a worde nombra na Hulanda y cu ki meta pasobra si no tin placa pa esnan na Aruba, no por bay hustifica cu na Hulanda si salarionan y promocionnan barbaro por

worde regla pa hendenan liga na partido y gobernantenan.

Polisnan no por yega na un areglo cu ministro di Finanzas riba asunto di piket pasobra no tin placa, pero e mesun ministro di Finanzas ta permiti pa otro coleganan ministro sigui nombra y sigui duna promocionnan miyonario na compinchinan.

Otro siman entrego

Bezwaarschrift den caso protesta

placa perdi na Warda

ORANJESTAD (AAN): — E ambtenarenzaak cu un di e funcionarionan halto di Polis a cuminsa contra Pais Aruba despues cu a keda dicidi cu e tambe lo mester paga pa e 50.000 desapareci, ta andando.

Otro siman Diaranzon abogado di inspector De Cuba lo entrega e bezwaarschrift na Corte contra e Landsbesluit cu a bisa cu

lo tene aden parti di su salario pa compensa pa e placa desapareci.

Manera conoci, e inspector a protesta fuertemente contra e decision aki, como cu e na ningun forma envolvi den e asunto di e suma perdi.

Ta asina cu tanten cu no tin sentencia den e caso, Pais Aruba no por mishi cu salario.

SOÑONAN POLITICO!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455

Luz di Palo

Afl. 39,95